

theater klasse 4h gym leonhard:

## BRICKS IN THE WALL

ein stück über die drecks jugend von heute.

leitung: christian mueller, christian@diskowuerste.ch, 076 587 07 81

technik: thomas frey

mitwirkende:

emanuel marsicovetere, emanuel glauser, joëlle moser, johannes barth, josephine weber, lisa tran, lorin dirscherl, luci altermatt, lukas eltschinger-lindt, luzzia matter, matthias lüthi, meret studer, (Rahel Schlagbauer), seraina schenk, serdil aydemir, sevde öztürk, Sophie Herrmann, stephanie riss, vanessa schwegler (18+1)

kostüme: normale schulkleider: jeans und oben irgendwas, wenn möglich bunt.

requisiten: 3 m2 greenfill, ziggis, karton für filter, papers, duftsäckli, mehrere schrottnatels oder fernbedienungen, hosentaschenkram (jeder selbst), papagenokostüm (lorin), jäggli (vanessa), mehrere tote feuerzeuge. nastüchli (serdil). kravatten (alle).

**lichtpult an: 2x stack (next), dann ^ bis: 1**

**> GO 1(2)**

**Saallicht (5); stimmung 1(2).**

**Einlass.**

**> Saallicht ab.**

**> musik1: play.**

**> GO 2(3)**

**> bei text: GO 3(4) (60s fade)**

**> musik: pause/skip auf 2.**

### **1: intro: die hüttigi jugend**

musik: **k.i.z., lass die sau raus (2.40)**

licht an, alle stehen für sich im raum in ihrer eigenen pose. sie schauen in s publikum. mustern es. alle posen und gesichter werden je länger je mehr ernster, finsterer. nach einer gefühlt langen zeit: tiefes einatmen meret.

alle : aso die hüttig jugend...

kopfschütteln

alle: aso die hüttig jugend...

ekelgesicht, kotzen

alle aso die hüttig jugend...

abwertende geste

alle aso die hüttig jugend...

JOSEPHINE die si so fuul

SEVDE die mache nüt

LORIN die chönne nüt

JOELLE hocke dr ganz tag vor em fähnseh und luege irgend e scheiss.

LUCI musicstar oder musikantenstadel oder süscht sone chranke dräck.

MATTHIAS game dr ganz tag uf ihrer playstation oder süscht öpis. statt mol öpis z lehre. oder z schaffe! verweichlichti schwächling, das!

EMANUEL Gund wie die umme laufe

alle weh

MERET äntwäder wie flohsäck...

SERDIL oder si hän fascht gar nüt meh a. so dass me ihri blutte ärsch mues aluege.

VANESSA wenn si wenigstens schön wäre, die ärsch...

LISA und wie si rede

alle jo... hör mer uf!

JOSEPHINE wie die letschte idiote

SERDIL immer am flueche

JOELLE ohni grammatik

JOHANNES und rächtschribig chönne si au nüm

LUKAS sit wenn giz bim rede rächtschribig?

EMAN M egal, si rede wie buure

SERDIL wie usländer

LUCI egal was si säge, es isch immer z luut. magsch gar nit zuelose.

alle ganz schlimm

SEVDE und die gewalt

alle jo jo jo jo.

LORIN trausch z nacht gar nüm heilaufe. muesch immer angst ha, wirsch grad vom negschte chindergärtner zämme gschlage.

JOSEPHIN as nöchschts giz no babygwalt.

VANES die hei doch schone mässer, wenn si uf d wält chömme!

EMA M zum glück hani no mis sturmwehr dehei im chaschte!

MATT kei wunder, wenn die immer am schlegle si.

zeigefinger hervor

alle wehret den anfängen!

SERDIL e paar um d ohre sett me dene gä, denn isch rueh. denn merke si scho wär d mieti zahlt. s gäld hei bringt!

LISA und s ässe ufe tisch stellt.

MERET und bi dene goz immer nur um sex!

alle nur!

MATTH die wän ständig figge!

LORIN drbi hän *mir* doch s viagra erfunde!

JOSE dasch nüt für chinder. dasch e medikamänt!

LUKAS die figge mit allne und allem!

SERDIL sogar fraue mit fraue

männer geiles lächeln

JOELLE und manne mit manne!

männer unanständig sausürmle!

LUCI immer nämme si eim dr platz im trämmli wäg.

MATT immer hän si so musig in de ohre, und vil z lut!

STEPHI oder mache d musig so übers natel!

LUZZIA e riise sauerei mache si überall wo si ane chömme.

EMAN M gheie dr abfall eifach an bode, wo si stöhn. mir hän wenigstens no ärde drüber gschuflet und e mehrfamilienhuus drüber baut, wenn mer dr chemimüll vrlochet hän.

JOSEPHI oder wenigstens e grundwasserfassig ane gmacht! denn hän no meh lüt meh drvo.

LUKAS und si pisse hinder d barfüesserchirche. das machi höchstens an dr fasnacht wenni bsoffe bi, süscht nie!

VANESSA jä, suffe dien si.

alle jo!

SEVDE und rauche!

SOPHIE droge! alli drogesüchtig!

SERDIL kiffe überall, scho am morge, vor dr schuel.

EMA G. kei wunder gheie si durd matur...

SERAINA chasch froh si, wenn si überhaupt no ind schuel göhn.

VANES d lehrer chömme au nüm d schlag mitne, kei erziehig.

LUZZIA wie selle denn mir mit dene uscho, wenn se niemer erzoge het?  
LORIN selle mirs denn öppe sälber mache? für was zahl i denn stüüre? für was zahl i denn d  
löhn vo dene verweichlichte linke saulehrer? dassi no sälber öpis mache mues?  
alle sicher nit!

## 2: flucht

MERET wart numme! us dir mache mer scho no e aständige mensch! öb du willsch oder nit!  
ganz nett, aber aufdringlich zu lisa werden.  
SERAINA aber alles natürlich nur zu dim beste  
LORIN mir meines doch numme guet.  
EMA M. mir wei di doch numme beschütze.  
SERDIL mir hän di doch so gärn.  
LUKAS du bisch unser ein und alles.  
SEVDE mir mache alles für di.  
LUCI nur in rüeh löh mer di nit.  
STEFFI schliesslich muesch du all das mache, wo ich i mim läbe nit gschafft ha.  
JOSEPHI du hesch alli möglichkeite, nutz se!  
MATTH und wehe du verseisch! denn chunnsch ins heim!  
JOHANNES oder is gfängnis!  
SOPHIE lueg, mir hän alles scho vorbereitet, so gärn hei mer di.  
SERDIL alles isch parat für di. du muesch gar nüt meh mache.  
EMA G. du muesch gar nüt me entscheide.  
VANESSA mir hän alles scho für di gmacht.  
MATT nur stärke muesch no sälber.  
JOELLE aber au das chönne mer dir abnäh.  
LISA wird immer mehr bedrängt. alle zerren an ihr rum. irgendwann hat diese genug  
LISA mir längts! machet doch oiche scheiss elei! läbet oiches eigene läbe, löht mir mis für  
mi! ich hau ab! figget oich! dir interessieret mi e schissdräck. heit dr ghört?! dir sellet  
oich figge! (ausflippen und abhauen).

## musik: boys noize: contact me, rynecologist mix

nach hinten flüchten, kommt an felswand an, hochklettern, es ist hoch und eng, jemand springt, die  
anderen hintennach, ins wasser fallen, auftauchen, nach luft schnappen, in  
wildwasserbach treiben, in see landen, wasserschlange greift an, an land flüchten,  
sich trocken, wirbelsturm, ohnmacht, zu sich kommen.

> play2. > GO 4(5). > strobo an.

> am ende: GO 5(6)

> musik: pause/skip auf 3

## 3: ankommen im leeren raum

man schaut sich die ungewohnte umgebung mal ein wenig an. testet den boden usw. riecht,  
schmeckt, probiert aus und rum.

MERET hän mers gschafft? si mer se ändlich los?  
SEVDE ich glaub scho.  
EMA G. und jetz?  
VANESSA was mache mer jez?  
JOSEPHIN z erst mol chille.  
alle setzen sich hin und machen sichs gemütlich  
MATTH ich bau mol eis.  
baut eins.  
MATT ziggis?

LUKAS do.  
 MATT paper?  
 LORIN do.  
 MATT filter?  
 LUCI do.  
 rollt rollt rollt.  
 MATT füür?  
 keine antwort.  
 MATT füür?  
 alle suchen.  
 MATT ich ha mis uf dr flucht verlore.  
 einige fuck!  
 LUZZIA hez do noime e steckdose, mis natel isch leer.  
 mehrere mis au. mis au.  
 SERDIL 435 anrufe in abwesenheit? plötzlich bini doch wichtig? läcket mer doch!  
 schmeisst natel fort, gegen wand? alle natels gegen wand.  
 LUCI hez do niene e fähnseh? germanys next topmodel chunnt gli!  
 EMA M mir isch langwilig. chum mir schlegle chli!  
 ER beginnt jemanden zu malträtieren, bis er auf ihm hockt.  
 SERDIL chum mir figge chli!  
 frauen jaaaaaa!  
 stehn auf und nehmen je einen typen ins visier.  
 männer äh, nei....  
 schützen ihre scham.  
 JOHANNES wei mer nit lieber... äh. öpis angers mache. öpis vernünftigs. zum bispil: äh...  
 französisch.  
 MERET französisch? ha gmeint dir wän öpis angers mache.  
 JOHANNES französisch wörtli! oder mathematik.  
 VANES meinsch ich bi abghaue, zum do dr glich scheiss z mache, wie vorhär in dr schuel?  
 LUCI aber vil meh als ans abhaue hesch au nit dänkt. wo simmer do eigentlich?  
 alle testen wieder den raum und versuchen herauszufnden, wo sie sind.  
 JOELLE irgendwie imne leere ruum. mit öpis am bode.  
 person flüstert anderer person ins ohr:  
 JOSEPHIN es stinkt chli  
 SOPHIE was hesch gseit, mir weis alli wüsse.  
 JOSEPHI ich ha gseit es stinkt chli.  
 LUZZIA und z hell isch s au.  
 STEFFI und wieso hetz do keini stüehli?  
 LUKAS keini sofas.  
 EMA M wo ischs chalte bier?  
 EMA G e ganze chielschrank voll zässe?  
 LORIN suberi wösch?  
 MATTH h&m?  
 SEVDE starbucks?  
 JOSEPHI mis bett?  
 LUCI mi schildchrot?  
 JOHAN mi playstation?  
 LORIN mi schwester?  
 EMA M aso ich bi froh, dass mini nit do isch!  
 LUCI ich au.  
 SERDIL mir miesse nit ufzelle, was nit do isch. mir miesse mol luege, was do isch.  
 LUKAS was sell do si. do isch nüt.

VANESSA also ich ha es päckli nastüechli do, 1 franke 70 und es trambillet.  
 alle kramen in ihren hosentaschen rum und schauen, was sie so dabei haben.

MERET es alts nastüechli, e dreikönigsfigur, büroklammere, nomol es alts nastüechli...

SOPHIE e zuckersäckli, stift, e bio-spick, schoggistängeli...

weitere: arzttermin, fussel, tabak, ipod, ohrering, schlüssel, knopf, pommade, münz, quittige, papes, nasespray, föteli, pariser, horspängeli, döner-pass, (he dasch mine, ah do isch mis...), ec-chärtli, GA, kaugummi

MATTH e schrotflinte, e gummiboot, e backstei, e schweinehärz, dr blocher, atombombe, heiligi gral...

alle schauen zu der person.

JOSEPHI abfall, nur abfall hei mer drbi. was selle mer mit däm zügs mache? s einzige wod mache chasch isch furtschmeisse.

LORIN ich schmeiss sicher nit mi glücksbringer wäg!

SERDIL muesch jo au nit. aber was selle mir mit dim glücksbringer? oder mit dim bruchte schnuderlumpe? wenn mer schomol do si und niemer uns seit, wie doof mir si, denn chönne mer jo mol das mache, was mir wän!

alle jo!

#### 4: alles besser machen, schlechtes abschaffen

STEFFI also denn mache mer... was wän mer denn?

LUCI mir... makes besser!

alle jawohl!

SEVDE aaaals?

VANESSA vorhär! mir makes besser als vorhär!

SEVDE und was?

LAUKAS alles! alles mache mer besser. dank. isch jo logisch!

EMA G und mit was föhn mer a?

LUZZIA ganz vo vorne. vo vorne föhn mer a.

LORIN also: zerst behandle mer ois mit respäkt und sind nätt zuenenand.

alle iverstande. (zögerlich)

SOPHIE mir si offe und ehrlich und säge uns immer grad, wenn eim öpis nit passt.

JOHAN und die andere sin den nit igschnappt.

fast alle jawohl!

SERDIL mir teile alles, wo mer hän. alles ghört allne. bsitz isch abgschafft.

JOELLE jo dasch jo eifach. wenn me nüt het, cha me das easy teile.

EMA M gib mer mol dis jäggli, ich mein: teil mol dis jäggli mit mir! jez!

VANESSA sicher nit! dasch mis Lieblingsjäggli.

EMA M doch du muesch jez teile. und dini hose teilsch au grad mit mir.  
 reisst an ihr rum.  
 die anderen reissen auch an anderen rum, um an kleider zu kommen.

LORIN he hör uf. wo isch do respäkt und nätt si zuenenand?

JOSEPHIN also guet, chleider ghöre eim sälber. aber alles andere mues me teile.

SERDIL also ich ha jetz mis nastüechli schön teilt, wär wett e stückli.  
 schmeisst fötzeli in die luft.

LISA he! velicht hätt me das no chöne bruche.

SERDIL has jo brucht, has mit oich allne teilt.

MATT und religion giz au nüm. gott isch abgschafft!

MERET was abgschafft? aber denn si mir jo gar nie erschaffe worde.  
 wird gepfitzt oder ohrfeige.

MERET au!

LUCI do. gschpürsch di? längt das als bewis, dass di git?

MERET jedenfalls weiss i jez, dass es *di* git...

JOELLE und an was glaube mer jez? ans fliegende spaghettimonster?  
 SERAINA meinsch du chasch eifach säge: gott isch abgschafft, und denn giz en nüm?  
 VANESSA meinsch du chasch e abstimig mache, öbs gott git oder nit? und wenn jä, wele gott isch denn dr richtig?  
 LUZZIA aso am hüfigschte si christe. denn ischs dä. s volk het immer rächt!  
 LUKAS aso ich bi für abschaffe. wär isch drfür?  
 abstimmen. mehrheit für abschaffung. applaus.  
 LUKAS also das wärs. gott isch tot, mir hän en abgschafft.  
 LORIN dasch aber au nit nätt und respäktvoll gsi. jez isch gott sicher truurig dört obe.  
 MATT cha sich jo e rippe näh und sich e frau mache.  
 JOSEPHIN was isch wenn gott e frau isch?  
 SERDIL kennsch lesbe?!  
 STEFFI gott isch dänk kei person, sondern e chraft. dört giz keini männli und wiibli.  
 EMA M hallo! gott isch abgschafft. demokratischi entscheid sin z akzeptiere und s volk het immer rächt!  
 alle wüttütütütüüüü  
 LUKAS also, gott isch abgschafft. was schaffe mer süscht no ab.  
 JOELLE chrankheit! abschaffe?  
 alle abgschafft!  
 LUCI umweltverschutzig? -  
 alle abgschafft!  
 STEFFI global warming?  
 SOPHIE kalti winter?  
 EMA G frie ufstoh!  
 LUZZIA nasebluete!  
 MAT+SOPH periode!  
 SEVDE und rassismus!  
 bei dieser abschaffung wird mit rütli-gruss abgestummen.  
 SERDIL dummi mensche!  
 LUKAS lehrer! ah nei hei mer grad abgschafft.  
 JOSEPHINE politiker!  
 MATT knutschfläcke!  
 SERAINA moralpredigte!  
 STEFFI rauchverbot! justin beiber! schaffe! zimmer ufruume! akku leer! kei guethabe uf natel!  
 mann es git so vill scheiss.  
 LISA schuelsport!  
 SOPHIE ex-fründe  
 LUCI am matthias sini düüme!  
 MATTH dr luci schläckt statt küsst!  
 SEVDE alk!  
 paar was? nei? wiso?  
 SEVDE also zvil alk!  
 LORIN kater!  
 LISA dick wärde!  
 EMA M das d lisa so lisli redet!  
 SEVDE gemein zur lisa si!  
 alle abgschafft abgschafft abgschafft!  
 LUKAS demokratie isch eifach genial. eifach drüber abstimme, und scho si alli problem glöst.  
 alle demokratie! demokratie! demokratie!  
 wiederholen sie verwandeln sich dabei in idioten, affen o.ä

## 5: monarchie

JOHANNES und was mache mer jez? ohni wahl chasch nit wähle.

LUCI mir bruche e führer, also ich mein e art könig oder chef.

JOSEPHINE oder e cheffin!

LUCI jo oder cheffin natürlich.

LUKAS also: wär stellt sich zur wahl?

schweigen

LUKAS will niemer könig si?

JOSI oder königin!

LUKAS jo. chömmet scho!

SOPHIE mach doch du.

LUKAS sicher nit. ich will weder verantwortig überneh, no schaffe.

SERDIL also guet, ich stell mi zur wahl.

MATT nei aso, wenn du, denn ich sicher au!

JOELLE nei aso, wenn dä, denn ich erst rächt.

alle ich au, ich au! wählet mi, nei mi. aber wählet sicher nit die, sicher nit dä. wählet mi, wählet mi.

alle durcheinander, alle versuchen sich irgendwie anzupreisen. mit kunststückchen, aussehen, posen, kraft. jede legt sich ein geschichtchen bereit. zb: augenlider hochklappen, handstand, daumen verbiegen, zunge rollen, ohren wackeln, jonglieren, singen, komische grimasse machen usw jeder kann was. wählet mi!

VANESSA stopp! sit wenn wärde könige eigentlich gwählt?

LUZZIA du hesch rächt, könige si vo gott userwählt...

JOSI ha gmeint könige wärde nit gwählt, und scho gar nit vo gott. dä hän mer abgschafft!

EMA M isch jo glich. ich bi könig. uf d chnü! UF D CHNÜ!!! sofort!

flippiert ein wenig aus. von wütend bis heulkampf.

LORIN ok, ok, ok. wenn dir das sooo wichtig isch.

alle gehen auf knie.

EMA M danke.

SEVDE und jez, was mien mer jez mache.

EMA M z erst mol... die erstgeboreni tochter mues jungfräulich an mi abgliferet wärde!

MATTH hesch jez e vollschade? vo wo selle mer plötzlich chinder ha?

EMA M ah ok. denn... stüre zahle. dr zähnte! hopp!

alle kramen müll aus tasche, schmeissen ihm den müll an.

alle do hesch!

EMA M danke. danke. liebi untertane.

JOSEPHINE und untertaninne!

EMA M jo, die natürlich au. als ersts, machi grad mol e grossi fiir, zum mini krönig gebührend z fiire. und si foht scho in 5 minute a.

alle sind total nervös, aufgeregt. stylen sich schnell schnell. nach 15sek sind alle schon parat und stehen gespannt da, blicken unauffällig zum könig, auf dass er das startzeichen gebe.

EMA M ok, scheiss uf di 5 minute, es foht a.

alle jeeee.

stehen an für einlass, könig begrüsst alle überschwänglich, in manier eines saucoolen partylöwen. nach der begrüssung stehen alle wieder rum. es ist nichts da. kein essen, keine getränke, keine unterhaltung. könig hat gerade alle begrüsst. kommt in die gesellschaft.

EMA M so hopp, amüsiert oich. das isch schlisslich mi grossi party. do mues me spass ha!

versucht plump stimmung zu machen, tanzt einige an. versucht sie mitzureissen.

EMA M jetzt geht es los mit ganz grossen schritten und erwin fasst der heidi von hinten an die schultern...

niemand macht mit.

SERDIL ich bi für e noii abstimig. wär isch jez könig?  
JOSEPHINE oder königin.  
LICI ich ich ich ich ich ich ich ich ich ichichichichichichich!!!  
SERDIL süscht niemer?  
LUCI ichichichichichihcihichichichichichichichichichich!  
SERD wirklich niemer? aso guet. vil glück.  
LUCI yesssssssss! ich bi könig! traget mi uf oichne händ!  
alle stemmen den könig hoch. geht so mittelgut.  
LUCI oder wenigstens uf oirne schultere. au. pass doch uf. au. unbequem.  
zum schluss reitet könig auf rücken einer person.  
LUCI lasst die spiele beginnen!  
alle suchen sich ein pferd und es entstehen diverse kämpfe. alle gegen alle. irgendwann sind alle  
geschafft. stehen erschöpft rum. ausser atem.  
MATT aso ich bi für e noie könig. dä isch mer vil z asträngend.  
ein paar ich au. ich au.  
VANESSA wär isch?  
niemand streckt auf.  
VANESSA chumm scho, öper mues doch welle. niemer? also wär isch für... si?  
seraina wird ausgesucht. und gepackt und zur königin ernannt.  
SERAINA nei, ich mach das nit. dir sit so doff.  
alle gehen vor SERAINA in anbetungshaltung und bewegen sich nicht mehr. ohm.  
SERAINA okok. immer i. also, als allererstes befihl ich: es isch zit für ferie. chilled echli und  
machtet mol gar nüt.  
alle machens sich s wieder mal bequem.  
LUZZIA ändlich mol e sympathischi königin!  
JOSEPHINE königin!

## 6: arbeitsteilung ohne geld

SERAINA also, liebs fuessvolk. ich ha noichdänkt. als ersts bestimm ich, dass es kei könig meh  
git.  
alle jeh! bravo könig! sehr weise!  
applaus  
SERAINA denn mache mer arbeitsteilig. was bruchts unbedingt für brüef?  
EMA M ich ha hunger... ässe... garte... buur! ich bi buur!  
macht sich an die arbeit.  
JOSI wohne... huus... bauarbeiter! ich bi bauarbeiterin!  
MATT und ich architekt!  
SOPHIE und ich bi d frau vom architekt!  
JOHAN arzt, ich bi arzt!  
jeder eins: vanessa: barkeeper, luci: schamane, joelle: künstler, meret: tätowiererin, emanuel g.:  
chinese, sevde: köchin, lorin: rapper, lukas: hanfbauer, lisa: chemikerin, luzzia:  
bierbrauerin, steffi: feuerwehrfrau, (noch frei: unternehmensberatung, lieferservice,  
lehrer, informatiker, soziolog, chauffeur, dj, bundesrot, manager, model, schneider,  
schreiner, autor... oder andere. dazu gesten.)  
LUZZIA ich bi polizistin!  
SERDIL denn bin ich verbrächer.  
SERAINA aso wenss kei verbrächer het, bruchts au kein polizei. schaffet lieber öpis anders.  
MERET schaffe... schaffe... ah: schaffe: aschaffe? ich bi sicher kei nutte.  
LUCI, MATTH, SERDIL oh doch!  
MERET polizei! polizei! hilfe!  
LUZZIA scho do!  
LUCI was, mir händ doch d bulle abgschafft. wieso si si jetz doch do?



LUZZIA regle! mir bruche regle! und öper wo druf luegt, dass dir se ihaltet.

JOSEPHIN jo jede luegt für sich sälber. kennsch: eigeverantwortig.

LUKAS jo scho, aber ich will di nit zämmeschisse miesse, wenn du widr irgend e mist machsch. ich will lieber öper zahle, wo das für mi macht. kennsch: arbeitsteilig.

STEFFI statt dass jede nur für sich sälber schafft und alles mues chönne, aber nüt richtig; cha me lieber öpis richtig guet und verlangt gäld.

VANESSA gäld. pffff. immer das gäld, e wält ohni gäld wär schön. niemer isch me rich, niemer arm.

EMA G wie sell denn das go? willsch mit muschle zahle?

JOELLE oder mues me denn widr in naturalie zahle? ich gib dir 2komma32 stück sau und du gisch mir drfür e halbe lingge schueh?

LUKAS mhh. ich weiss scho wie du di erkenntlich zeige chöntisch...

JOELLE sicher nit! du perversi sau. mit dir würdi nit mol öpis ha, wenn du dr letscht ma uf ärde wärsch und d erhaltig vo dr ganze menschheit hängt an unserer fruchtbarkeit. glaub mer, ich würd d menschheit lo usstärbe. und du wärsch tschuld. will du so doof bisch, dass nit mol *ich* di geil fing. so vill alk giz gar nit, zum di schönztrinke. aso würllich. die droge mues zerst erfunde wärde, wo mi di geil finde losst. weeh du gruusige, hau ab! okok. e umarmig würd scho länge...

LUKAS umarmt ihn.

JOELLE besser?

LUKAS jo. danke.

LUCI he! mir goz au schlächt.

LORIN besser?

LUCI jo.

eine umarmungs lawine entsteht.

viele besser? besser? besser?

ein umarmungsknuddel entsteht.

## 7: neue religion

STEFFI mir bruche e religion, denn hei mer öpis richtigts ztue. und chönne öperem tschuld gäh!

JOSEPHI was jez schaffe mer zerst gott ab, zum denn e noie kult z erfinde? si mer kommunismus, oder was? oder bi dr svp?

alle nei!

JOSEPHI s parteiprogramm chönet dir ämmel scho uswändig.

MATT all die religione si doch voll gmöngt. voll die behinderte: erbsünd, verbannig us em paradies, gott straft sofort und so. brennendi büsch, wo schwätze. fүүr wo vom himmel chunnt. die mien jo voll uf droge gsi si. unseri religion isch dank cool. ('coole pose')

JOHAN no cooler als icf? (pose)

MATT no cooler als icf, scientology und zeugen jehovas zämme! (pose)

JOS das isch mindestens so cool wie yoga mache in läderjagge. (pose)

VANES mindestens so cool wie mit sunnebrülle ind disco. (pose)

LUZZIA oder mit em rock in de unterhose vo wc cho. (pose)

SERDIL so! und jez mache mer e prozession. s wichtigste fest vo unsere noie religion. das isch zu ehre vo... dr sunne! jo die isch wichtig.

alle uf d sunne!

SOPHIE und wichtig isch au d nacht!

alle uf d nacht.

LUKAS denn fire mer jetz s sunne-nacht-fest

alle jeeee!

decken sich augen zu:

alle jez isch nacht.

augen offen

alle jez isch tag. nacht. tag. nacht. tagnachttagnachttagnachttagnachttag nacht.  
 SERDIL denn tanze alli um es füür. will.. füür isch wie d sunne, eifach znacht.  
 EMA G mir hän kei füür.  
 SERDIL denn tanze mer eifach so um unsere abfall. so.  
 alle jeeeeee! (ausdruckstanz)  
 LUZZIA tanze isch aber nit lustig ohni alk.  
 LUCI lueg, du muesch so d luft abdrucke, denn wirtsch high!  
 VANESSA oder sell dr e kläpper gäh? denn bisch au däne.  
 JOELLE oder ich hypnotisier di!  
 SERDIL chasch mer dr chopf chraule?  
 MATT ich due hyperventiliere!  
 alle nehmen sich ein high-mittel  
 (kopf gegen den boden schlagen, kitzeln, finger ins ohr, niesen, unter arm riechen, meditieren...)  
 dann sind alle total high. lorin kann endlich seinen papageno singen. es sind alle total durch.  
 jemand wacht auf.  
 LUKAS nei. in unsere religion zählt numme no schönheit. fortpflanze döfe sich nur no die und  
 dr schönsti! jez stelle sich mol alli dr reihe noch uf. do die schönsti und dört dr  
 grüsigsti. LOS!  
 es gibt natürlich streit. irgendwann hat jedeR einen partner. angeekeltes händchenhalten.  
 SEVDE weeh nei! jez muesi mit däm grusige?  
 LUCI jo und ich mues mit dere komische?  
 MERET hallo! es het zvil fraue. mit wäm selle mir?  
 MATT wartet nur, wenn ich mit dere fertig bi, denn chumi zu oich!  
 SOPHIE du gohsch sicher nit fremd!  
 MATT ok.ok. (macht psst zu den damen)  
 LUKAS so gnue gschwätzt! jez wird züchtet. hopp! hose abe! schnäbi ins schlitzli. mir züchte  
 jezt die schönsti menscherasse vo allne! hü!  
 wer will: hose runter, gürtel raus.  
 SERAINA und wie sell die usgseh?  
 LUKAS das gshe mer denn, wens use chunnt. blond, blauäugig, stark und so.  
 LISA wie sell das go? vo uns isch niemer blond.  
 JOSEPHINE was doch ich bi blond.  
 SERAINA dasch sicher nit blond!  
 EMA G het öper blai auge?  
 EMA M ich cha dr scho es paar mache.  
 LUCI und wenn de nit trainiersch wirtsch au nit stark, do spile starki eltere au kei rolle.  
 LUKAS dasch mir egal! dir machet jez sofort perfekt chindli! und denn wähle mer us. und denn  
 mache mer us dene widr noi chindli.  
 SERDIL aber wenn mini chind  
 LISA unseri!  
 SERDIL ...unseri chind die schönste si, denn miesse si jo widr zämme chindli mache. isch das  
 nit chli... pervers?  
 JOHAN aso irgendwie isch das nit würllich ganz dure dänkt...  
 LUKAS mann, ich ha nur welle zur lösig bitrage...  
 lorin macht da die 2te strophe des papageno.  
 alle schauen nach seiner performance verduzt.  
 loris mann, ich ha nur welle zur allgemeine verwirrig bitrage.

## 8: zurück ins glück

JOSEPHINE wieso miesse mer immer genau dr gliich scheiss kopiere, wo s schomol gäh het? mir  
 sin mindestens so sau dumm wie unseri eltere. irgendwann wärde au mir älter si und  
 über die hüttigi jugend schimpfe, will si sich genau gliich drnäbe benämme oder au nit,

wie mir. aber stimmt die hüttigi jugend isch scho sau dumm, was die alles für schlimmi  
 sache mache: zum bischbil chrieg.  
 alle das isch d jugend gsi.  
 LUCI umwälterschmutzig.  
 alle das isch die scheiss jugend gsi.  
 LISA finanzkrise:  
 alle scheiss jugend.  
 JOELLE ärdbebe  
 alle scheiss jugend  
 STEFFI atomkraftwärk, ozonloch, bankgheimnis, und so witer:  
 alle scheiss jugend. scheiss jugend. scheiss jugend!  
 VANESSA und d lüt rege sich drüber uf, wenn me nit grad sofort ufspringt im trämmli. velicht hani  
 jo mi fuess vrstuucht. oder wenn öper d fiess ufe sitz duet. oder sich ab und zue  
 betrinkt. mir si jo nit alles ängeli. aber wenigstens wän mer so vill wärt si wie e  
 mensch. mensche si mer doch, oder?  
 SERDIL ich gang zrugg. aber so schnäll loh ich mir nüt meh lo sage. bi doch nit oiche  
 fuessabträger. nur will mir jung si, mues nit jede depp s gfühl ha, er miesst mer säge,  
 was ich alles falsch mach und scho gar nit was ich mache sett.  
 SERAINA das het jo bi oich au nie öpis gnützt. aso ächt. läcket mer doch. ich gang zrugg und  
 denn veränderi *ich* d gsellschaft. öb das oich passt oder nit. ich bruch au mi platz im  
 läbe und ich nimm mer dä! tschau.  
 LUCI so schwierig cha das jo nit si. i mein, wenn mers au nur e bitz weniger schlächt mache  
 als die vorhär, denn lohnt sichs jo scho. so sau dumm wie die vorhär bringe mers eh  
 ane, denn velicht au chli besser. und wens nur zuefall isch.  
 pause  
 JOELLE und jez? gö mer zrugg?  
 STEFFI jo ich vermiss mini homies scho chli.  
 MERET ich au.  
 LUKI aber chli rebelliere dien mer scho no? oder?  
 LORIN jo eifach nur es bitzli. die meishti zit si mer wärtvoll mitglieder vo dr gsellschaft.  
 LUCI aber wenn fasnacht isch oder silvester, denn lö mer chli d sau use, oder?  
 MATT und an mim geburtstag  
 SEVDE und an dr hochzit vo dr schwester  
 LISA und an wiehnachte.  
 JOELLE und in de summerferie.  
 JESOPHINE und am 1.august  
 LORIN das wucheänd, wenni sturmfrei ha.  
 MATT am harrasselauf  
 LUKAS wenn dr fcb meister wird  
 SERDIL wenni e 4er im franzi ha  
 LUZZIA wenn ich zobe heim chumm (keine lacher oder bestätigungen mehr ab da)  
 alle wenn mer d matur hän  
 alle und wenn s absänzesystem abschafft wird.  
 alle und an unsrere theaterparty!  
 noch ne kurze choreo zu saalschutz, ravepunk:

**> musik: play3. > GO 6(7)**

**> BLACK: GO 7(8)**

**> applaus: GO 8(9)**

**>musik: pause. cd wechseln für auslass.**